

VERAE NOTAE ECCLESIAE SVNT, VISIBILIS QUIDEM, SYNCERA

verbi prædicatio, & Sacramentorum administratio:
Invisibilis autem, fides, spes, caritas.

O Vinam in cœtu hoc jam Bellarminus adesset,
Effretetque animi pulchra trophæa sui.
Ni mens surda nimis, nimiumque astricta Latino
Pontifici, si non victus, at ictus erit.
Me certè fateor doctrinæ atque artis egentem:
Sed Christus vires Martis, & artis habet.
Ergo notas ter quinque tuas, fortissime scriptor,
Lector, & auditor, discutiamus ait.
Prima nota est nomen, Romana Ecclesia dicor:
An nullum in tanto nomine numen erit?
Nomina non vrgent, quia vano nomine gaudes,
Et nullum, in vano nomine, numen erit.
At vestram Romam duratio temporis ornat?
Tempus inops veri, testis, an hostis erit?
Sed variæ gentes ad vos, atque agmina currunt:
Roma caput mundi, jura, fidemque tenet.
Non numerum Christus, sed vim; non agmina querit,
Sed mentes: paucis semita vera patet.
Roma Petri sedes, pietas manavit ab illo
In successores, cum pietate fides?
Iudæi hoc proprijs olim dixere Prophetis:
Sed tamen erroris damna tulere sui.
Non sedem sequitur pietas, non septa domorum
Religio, cathedram non amat alma fides.
Non vos Calvinus, sed & ipse Petrarcha refellet,
Dicier hoc vno penè Propheta potest.
O meretrix Babylon, Satanæ devota, ferarum,
Larvarum, ac lemurum fœda, cruenta, domus.
Centauri in foribus stabulant, Scyllæque bifformes:
Esse putes illo Tartara dira loco.
At Romam vestram miracula multa coronant?
Hisce fidem Satanas conciliare potest.
Sed vestram sedem dulcis concordia munit?
Falsum est: Papicolæ schismata tetra foveant.
Ast olim Christi Romam doctrina beavit?
At nunc hanc sedem terror & error habent.

*Ergo Evangelium, legemque, & mystica sacra,
Hæc Christi recipis, turba sacrata, notæ.*

UNICVIQUE ECCLESIAE LIBERVM EST POLITIAE FORMAM instituire sibi aptam, & vtilem.

COelica progenies, qua Christi fertur ovile,
Quaque sui Domini nomen, & omen habet;
Legem, Evangelium, solida mandata salutis
Servat, & innocua munera pacis amat.
At ritus varios, vario pro more locorum,
Suscipit, hos subeant mutia corda, docet.
At disciplinam præscripsit Spiritus unum,
Omnibus in populis, omnibus esse locis?
Non reor, hæc non sunt solida documenta salutis,
Non ita Scriptura, scripta verenda, docent.
Timotheus legat, effundat præconia Christi,
Et pura trailet mystica sacramenta;
Hæc æterna manent: sed mos, & forma regendi,
Pro gentis genio mobilis esse potest.
Non Anglos vrget Germanica forma regendi,
Quid Galli faciant, viderit ipse locus.
Servit in Ægypto, nunc cum Salomone triumphat,
Nunc vaga, nunc fixa est, sancta caterva Dei:
Nunc Nero sanguineis hunc cætum comprimit armis,
Nunc Constantini visq; manusq; beant.
Annè recordamur Mariana tempora cladis,
Nunc sub vexillis, Elisabetha, tuis?
Non eadem ratio est, cum sancta Ecclesia luget,
Et cum lasatur flore beata suo.
Ergo pijs fratres immitia vulnera belli
Linguite, nam Christus munera pacis amat.
Nec cætus sacrosævissima turbet Aleto:
Findere vipereis moribus illa solet.
Nec sacros cætus violet discordia demens:
Non amat hæc rixas, non amat, alma fides.

Christi igitur voces Aaronis virga sequatur
Sed sit pro vario libera more loci.